

page :

M022

條目：

《諸法無行經》

內容：

諸法無行經 二卷（15） 鳩摩羅什譯

1.佛說諸法本無經 三卷 闍那崛多譯

2.佛說隨轉宣說諸法經 三卷 宋紹德等譯

「一切諸法皆從佛出」——是佛之威神力。（下·七六一上）

「導師佛世尊，外道邪見者，其有所演說，云何等無二？」（上·七五〇下）

1、佛為師子遊步菩薩，說煩惱即菩提——一相法門。 神力護持（下·761 中）

2、述淨威儀與有威儀之本生。

3、佛與文殊師利共論：1.滅業障罪。2.愚夫分別，自謂證果而致墮落。3.四諦、四念處、八聖道、五根、七菩提分之勝義(真聲聞)。4.種性句不動(雞羅)句，(2.作秘密句，橛句)。5.如來道場。眾讚文殊師利。文殊自稱「貪欲尸利，瞋恚尸利，愚癡尸利」，是凡夫，是外道，是邪行人。

4、佛為華戲慧菩薩說「入音聲慧法門」。文殊助說一切平等。

文殊自說宿緣：喜根與勝意比丘事。所說頌與佛為師子遊步說法意同。

A.前二經義同，2、乃後代改寫。序起引用楞嚴經及圓覺經，如「奢摩他，三摩鉢底，禪那」（上·七七四中～下）

B.「自謂是菩薩」：讀誦，為人說，恃種性，求他人過，著威儀，文頌，說空而好諍訟，不了眾生性，我慈悲成佛度生，鬥諍，貪著五欲，求生極樂國，以檀越為自己所化。——自稱菩薩而分別，瞋他，不符實際。（上·七五一中～下）

自以為阿羅漢：持戒，得定，誦毘尼，樂苦行，貴頭陀法，反對入聚落。（上·七五二下～七五三上） 分別故出家，持戒，分別善不善法，知斷修証，作厭離捨，「我身已得阿羅漢」墮（上·七五三下～七五四上） 「當來世有比丘如是說」（同阿含）（上·七五四上～中）

C.崇尚一相法門，不分別，隨緣獨行或入聚落。其精神與「觀察諸法行經」相反，乃重智証而不重形式者。

D.有威儀樂住塔寺，淨威儀常入聚落（上·七五三上） 準 1.塔寺乃阿蘭若（上·七六四下） 比丘法師。

C.「不應在新學菩薩前說，……不知如來以何方便隨宜所說」（上·七五〇下） 此是密意說也。

D.「我未曾見聞，慈悲而行惱，互共相瞋恚，願生阿彌陀！……佛土非佛土，知是虛空，……能生諸佛國」（上·七五一下）

E.「若見著五欲，亦不說過惡，應當念彼人，久後亦得佛。次第行業道，不可頓成佛。」（上·七五二上）

F.三乘共益。

G.「聞如是之法，是人名為善出家者」（上·七五五上） 聚落，空閑（下·七五八中） 白衣受欲能解，勝頭陀著有見（下·七六一上）

出處：

「一切諸法皆從佛出」——是佛之威神力。（下·七六一上）

※參見《諸法無行經》卷 2 （CBETA, T15, no. 650, p. 761, a26-29）：

「文殊師利！為誰力故能憶如是無量阿僧祇劫罪業因緣？」

「世尊！諸菩薩有所念、有所說、有所思惟，皆是**佛之神力**。所以者何？**一切諸法皆從佛出**。」

「導師佛世尊，外道邪見者，其有所演說，云何等無二？」（上·七五〇下）

※參見《諸法無行經》卷 1 （CBETA, T15, no. 650, p. 750, c4-6）：

「[23]如導世師人，外道[24]非見者，其有所演說，云何等無二？」

【按：p. 750, [23] 如導世師人＝導師佛世尊【宋】【元】【明】【宮】。

p. 750, [24] 非＝邪【宋】【元】【明】【宮】。】

1、佛為師子遊步菩薩，說煩惱即菩提——一相法門。

※參見《諸法無行經》卷 1(CBETA, T15, no. 650, p. 751, a14-b1)：

爾時佛告師子遊步菩薩摩訶薩言：「善男子！汝今諦聽，善思念之，吾當為汝解說此義。」

「唯然。世尊！我當受之。」

爾時世尊以偈答曰：

「若人欲成佛，勿壞於貪欲，諸法即貪欲，知是則成佛。

貪欲及恚癡，無有能得者，是法皆如空，知是則成佛。

見非見一相，著不著亦然，此無佛無法，知是名大智。

如人於夢中，得道度眾生，無道無眾生，佛法性亦然；

道場無所得，若得則不有，**明無明一相**，知是為世尊。

眾生即菩提，菩提即眾生，菩提眾生一，知是為世尊。」

神力護持(下·761 中)

※參見《諸法無行經》卷 2(CBETA, T15, no. 650, p. 761, a27-29)：

「世尊！諸菩薩有所念、有所說、有所思惟，**皆是佛之神力**。所以者何？一切諸法皆從佛出。」

2、述淨威儀與有威儀之本生。

※參見《諸法無行經》卷 1 (CBETA, T15, no. 650, p. 752, c14-p. 753, b24)：

「善男子！爾時彼佛會中弟子眾數無量無邊，彼金焰國中皆以七寶為樹，於其寶樹常出法音，所謂一切諸法空音、無相音、無作音、無生音、無所有音、無取相音。其國人民聞是法音，自然皆得諸法實相心得解脫。其佛滅後法住千歲，諸寶樹音亦不復出。善男子！是高須彌山王佛，以法囑累淨威儀菩薩令守護法，囑累已後便入無餘涅槃。時有比丘名有威儀，持戒不淨，得四禪四無色定及五神通，善誦毘尼藏，樂於苦行，不能善知他心。其弟子眾亦皆苦行貴頭陀法。是淨威儀法師，持戒清淨，於無所有法中得巧方便。復於一時，淨威儀法師將諸弟子，到有威儀比丘住處與共同止，淨威儀法師憐愍眾生故，從所住處常入聚落食訖而還，教化百千萬家皆作弟子，令發阿耨多羅三藐三菩提心。其弟子眾亦善教化，到諸聚落而為說法，令若干百千眾生皆發阿耨多羅三藐三菩提心。有威儀比丘常樂住塔寺，其弟子眾不持淨戒而樂行頭陀。有威儀比丘勤行精進其心決定，自以所行化諸弟子，貪著善法有所見得，所謂說一切有為法皆無常皆苦、一切法無我，不能善行諸禪定法，亦不能善於菩薩所行之道，本心不純故。淨威儀法師善知眾生諸根利鈍，知有威儀比丘心故，不復常入聚落，其諸弟子如本不異。

「有威儀比丘見淨威儀法師諸弟子眾常入聚落，生不淨心，即鳴犍椎集眾立制：『汝等自今已去不應入於聚落，不能一心徐行靜默，數入聚落得何等利？佛所稱讚阿練若住處，汝等當行禪樂莫好入他家。』淨威儀法師諸弟子眾，不受其語猶入聚落。後於一時有威儀比丘，見從聚落中出，更鳴犍椎集眾，說如是言：『若復更入聚落者，不復得住於此。』

「爾時淨威儀法師將護有威儀比丘故，告諸弟子：『汝等！從今已去勿入聚落。』即如

師教不入聚落。爾時諸人民眾不見其師及諸弟子故，皆懷憂惱善根退失。淨威儀法師過三月自恣竟，從是中出至餘僧坊，於其所止師徒還入城邑聚落為人說法。後時有威儀比丘，見淨威儀法師還入他家，見其弟子毀失常儀，復生不淨惡心作是念：『是比丘破戒毀戒，何有菩提？』便語眾人：『是比丘雜行，去佛道甚遠。』**有威儀比丘**起是業已，後時命終，是業果報故，墮阿鼻大地獄，九百千億劫受諸苦惱；從地獄出六十三萬世，常被誹謗；其罪漸薄，後作比丘三十二萬世，出家之後是業因緣反道入俗，又餘罪業因緣故，於淨明佛所出家人道殷勤精進如救頭然，千萬億歲中乃至不得柔順法忍，無量千萬世諸根闇鈍。

「師子遊步，於汝意云何？爾時**有威儀比丘**豈異人乎？勿造斯觀，則我身是。我時起是微細不淨心，受此罪業墮於地獄。師子遊步！若人不欲起是微細罪業者，於彼菩薩不應起於惡心。菩薩諸所行道皆當信解，不應起於瞋恨之心，應作是念：『我不能善知他人心，眾生所行是亦難知。』善男子！如來見是利故常說是法，是故行者不應平量於人，唯有如來及似如來者，乃能知是。是故行者若欲自護其身，慎莫平量於人而相違逆。菩薩若欲修集佛法，常當晝夜勤心專念。深發菩薩心者，不當好求人長短。菩薩若能教三千大千世界中眾生令行十善，不如菩薩如一食頃一心靜處念一相法門，乃至聞受讀誦解說，是人福德勝彼甚多。何以故？諸菩薩用是法門，能滅一切業障罪，亦於一切眾生之中離憎愛心，便能疾得一切種智。」

3、佛與文殊師利共論：1.滅業障罪。2.愚夫分別，自謂證果而致墮落。3.四諦、四念處、八聖道、五根、七菩提分之勝義(真聲聞)。4.種性句不動(雞羅)句，(2.作秘密句，橛句)。5.如來道場。

※參見《佛說大乘隨轉宣說諸法經》卷 2 (CBETA, T15, no. 652, p. 777, c17-p. 778, a1)：

佛告文殊師利：「我為汝說**秘密句、橛句、金剛句、慧句**，是名陀羅尼章句法門。此法門，菩薩得一切法句發生，剎那剎那得忍辱法。」

文殊師利言：「云何名秘密句法門？」

佛言：「我為汝說秘密句真實章句，於一切法中心愛樂秘密句為第一；如汝文殊師利，於一切菩薩中而得第一，秘密句亦復如是。復次，文殊師利！秘密句如虛空，我身遍滿虛空，一切法亦如是遍滿虛空，一切菩薩現前不現前，都是一如，名真實秘密句。」

文殊師利白佛言：「世尊！云何橛句？」

佛告文殊師利：「**我為汝說橛句，不動貪法界，住一切法動；我不動大乘，不作種種世事，是名橛句。**」

※參見《諸法無行經》卷 1 (CBETA, T15, no. 650, p. 753, b24-p. 756, b12)：

爾時文殊師利法王子白佛言：「世尊！如佛所說**滅業障罪**，云何滅業障罪？」

佛告文殊師利：「若菩薩見一切法性無業無報，則能畢滅業障之罪。又文殊師利！若菩薩見貪欲際即是真際，見瞋恚際即是真際，見愚癡際即是真際，則能畢滅業障之罪。又文殊師利！若菩薩能見一切眾生性即是涅槃性，則能畢滅業障之罪。所以者何？若人自有所見即能起業，無知無聞凡夫愚人不知諸法畢竟滅相，故自見其身亦見他人，以是見故便起身口意業。是人妄見憶想分別，作是念：『我是貪欲、瞋恚、愚癡。』如是分別故，於佛法中出家學道，復作是念：『我是持戒修梵行人，我當越度生死，得於涅槃免諸苦惱。』是人分別諸法，是善是不善，是應知、是應斷、是應證、是應修，所謂苦應見、集應斷、滅應證、道應修。而復分別一切諸行皆悉無常，一切諸行皆悉是苦，一切諸行皆三毒熾然，我當疾捨此有為法。常作如是思惟，於諸行中種種取相而生厭心。

「爾時便作是念：『見諸行如是，是名見苦；惡厭諸行，是名斷集。』**分別諸行，見於滅諦即作是念**：『我今見滅是名證滅，我當修道。』便至靜處念如是法，作是念已攝心定住。是人先得厭心，今得定心，故於諸行中心便捨離，而自愧厭不喜不樂，復作是念：『我今於一切法中已得解脫，更無所作，我身已得阿羅漢道。』是人命終之時見受生處，即菩提心生疑悔，以此疑故命終之後墮大地獄。何以故？是人於無生法中而分別故。」

爾時文殊師利法王子白佛言：「世尊！今云何應觀**四聖諦**？」

佛告文殊師利：「若行者能見一切法即是無生性，是名見苦。若能見一切法不集不起，是名斷集。若能見一切法畢竟滅相，是名證滅。若能見一切法無所有性，是名修道。文殊師利！若行者能如是見四聖諦，是不作如是分別，是法善是法不善，是法應見、是法應斷、是法應證、是法應修，所謂苦應見、集應斷、滅應證、道應修。所以者何？凡夫所行貪欲、瞋恚、愚癡，行者見是法皆空、無生、無所有、不可分別，但積集虛妄。爾時於法無所取無所捨，於三界中心無所礙，見一切三界畢竟不生，見一切善不善法虛誑不實，如幻如夢如影如響如焰。行者見貪欲性即是涅槃性，瞋恚性即是涅槃性，愚癡性即是涅槃性。若能見一切法性如是，便於一切眾生之中不起憎愛。所以者何？是行者不得是法，若生愛處、若生憎處，安住虛空，心中乃至不見佛、不見法、不見僧，是則不見一切法。若不見一切法，於諸法中則不生疑，不生疑故則不受一切法，不受一切法故則自寂滅。文殊師利！長老須菩提知如是法故，不來禮佛足。須菩提尚不得自身，何況得如來身？不得自身而得如來身者，無有是處。」

文殊師利復白佛言：「世尊！行者云何應觀**四念處**？」

佛告文殊師利：「當來世有比丘如是說：『觀內身處若觀不淨是身念處，觀樂皆苦是受念處，觀心生滅性是心念處，觀壞和合相但得法相是法念處。』」

文殊師利白佛言：「世尊！今云何真觀四念處？」

佛言：「止止。文殊師利！不須問也，如來隨宜說法難可得解。」

文殊師利言：「世尊！愍念眾生故，願必為說。」

佛告文殊師利：「若行者見身如虛空，是為身念處；若行者見受不得內外兩間，是為受念處；若行者知心唯有名字，是為心念處；若行者不得善法不得不善法，是為法念處。文殊師利！應如是觀四念處。」

文殊師利復白佛言：「世尊！行者云何應觀**八聖道分**？」

佛告文殊師利：「若行者見一切法平等無二無分別，是名正見。見一切法無思惟無分別，以是見故是名正思惟。見一切法無言說相，善修語言平等相故，是名正語。見一切法不作相，作者不可得故，是名正業。不分別正命邪命，善修習平等命故，是名正命。不發不起一切法，以無所行故，是名正精進。於一切法無所憶念，諸憶念性離故，是名正念。見一切法性常定，以不散不緣不可得故，是名正定。文殊師利！行者應如是觀八聖道分。」

文殊師利復白佛言：「世尊！行者云何應觀**五根**？」

佛告文殊師利：「若行者信一切法畢竟不生，從本已來常自爾故，是名信根。於一切法中心無所住，遠近相離故，是名精進根。於一切法無所憶念，緣性離故不繫念於緣，是名念根。於一切法無所思惟，二法不可得故，是名定根。見一切法常空，離於生相，是名慧根。文殊師利！行者應如是觀五根。」

文殊師利復白佛言：「世尊！行者云何應觀**七菩提分**？」

佛言：「文殊師利！行者能見一切法無憶念，是名念菩提分。若一切法，若善、若不善、若無記，不可選擇、不可得，無決定故，是名擇菩提分。若不取一切三界相，善壞三界故，是名精進菩提分。若一切有為法中不生喜相，善壞有喜相故，是名喜菩提分。若一切法中除却其心，緣相不可得故，是名除菩提分。若一切法不可得，善修壞相故，是名定菩提分。若於一切法無所依止不貪不著，不見一切法故得捨心，是名捨菩提分。文殊師利！行者應如是觀七菩提分。若行者能如是見四聖諦、四念處、八聖道分、五根、七菩提分，我說是人名為已得度者，到於彼岸，出在陸地無畏之處，已離重擔除諸塵垢，是人名為無所有者、無所憂者、無所受者，是名阿羅漢、是名沙門、是名婆羅門、是名比丘、是名澡浴潔淨者、是名智者是名解者、是名聞者、是名佛子、是名釋子、是名破刺棘者、是名却關鍵者、是名已度塹者、是名出欲求者、是名開門扇者、是名賢聖勝相者。」

「文殊師利！若有比丘成就如是法者，於天人世間名為福田，應受供養。文殊師利！是比丘若欲不虛食國中施者、破壞魔網者、欲度生死海者、欲得涅槃者、欲脫一切苦惱者、欲為一切天人世間作福田者，應當勤修習如是之法。」

說是法時，三萬二千諸天得諸法實相，各以天曼陀羅華而散佛上，白言：「世尊！若人

得聞如是之法，是人名為善出家者，何況信受讀誦如所說行？世尊！若有須臾聞是法者，是則名為無增上慢。」

爾時文殊師利法王子白佛言：「惟願世尊！當說陀羅尼，以是陀羅尼故，令諸菩薩得無礙辯才，於諸音聲無所怖畏，能令諸法皆作佛法，又信解諸法皆是一相。」

佛告文殊師利：「汝今諦聽！當為汝說不動種性法門。諸菩薩得入是法門者，能以智慧光明照一切法，疾得無生法忍。」

文殊師利白佛言：「世尊！云何名**不動處種性**法門？」

佛告文殊師利：「一切眾生其心皆一，是名種性。」

「世尊！云何是**事名為種性**？」

佛告文殊師利：「一切眾生皆無有心，緣性不可得故，是名種性。文殊師利！一切眾生皆同一量，是名種子。」

.....

「世尊！云何是**事名不動相**？」

佛言：「文殊師利！貪欲是不動相，安住法性中，以不住故，是貪欲不可得性常離故，是名不動相。文殊師利！瞋恚是金剛。」

.....

「世尊！云何是**事名為種性**？」

「文殊師利！是想皆憶想分別起、從虛妄中生，如空拳如野馬，本性自離，是故想陰名種性。文殊師利！行陰是種性。」

.....

「世尊！云何**色為種性**？」.....「世尊！云何**法為種性**？」.....

「世尊。云何**地為種性**？」.....「世尊！云何**風為種性**？」.....

「世尊！云何**佛為種性**？」.....「世尊！云何**法為種性**？」.....「世尊！云何**僧為不動相**？」.....

「世尊！云何是**事名為不動相**？」

「文殊師利！一切虛空行處、不可思議行處、斷行處，無根本無別異，不可得故，是故一切法行處名不動相。文殊師利！一切法無緣名不動相。」

.....

「世尊！云何是事名不動相。」

「文殊師利！一切法性無學，不應學、不應修、不應思、不應念、不應住、不應發、不應行、不應斷、不應證、不應語、不應言、不應求、不應說、不應取、不應捨、不應離、不應除。何以故？文殊師利！一切諸相畢竟離故，從本已來無所取，常是捨相，諸法非智慧所及，非愚癡所及，是故無學名不動相。」

※參見《諸法無行經》卷 2(CBETA, T15, no. 650, p. 757, b11-27)：

爾時佛告文殊師利法王子：「若有人問汝：『斷一切不善法、成就一切善法，名為如來。』汝云何答？」

文殊師利言：「世尊！若有人問我，斷一切不善法、成就一切善法名為如來者，我當如是答：『善男子！汝先當親近善知識修集善道，於法無所合無所散，勿取勿捨，莫緣莫求，勿舉勿下，莫求莫覓勿願，勿分別諸法是上是中是下，然後當知，不可思議行處、無行處、斷行處、佛所行處。』」

佛告文殊師利：「汝如是答者，為答何義？」

文殊師利言：「世尊！我如是答者名為無所答。世尊！如佛坐於道場，頗見法有所生滅不？」

佛言：「不也。」

「世尊！若法無生無滅，是法可得說斷一切不善法、成就一切善法不？」

佛言：「不也。」

「世尊！若法不生不滅，不斷一切不善法、不成一切善法，是何所見、何所斷、何所證、何所修、何所得？」

眾讚文殊師利。文殊自稱「貪欲尸利，瞋恚尸利，愚癡尸利」，是凡夫，是外道，是邪行人。

※參見《諸法無行經》卷 2 (CBETA, T15, no. 650, p. 757, c6-10)：

文殊師利言：「我者我是貪欲尸利、瞋恚尸利、愚癡尸利，是故我名文殊師利。諸天子！我不出貪欲瞋恚愚癡，凡夫人分別諸法求過出至到，諸菩薩於法無過無出無至無到。」

4、佛為華戲慧菩薩說「入音聲慧法門」。文殊助說一切平等。

※參見《諸法無行經》卷 2 (CBETA, T15, no. 650, p. 758, a19-c27)：

爾時華戲慧菩薩復白佛言：「願必為說入音聲慧法門，當來菩薩得聞是法門，當自知過咎亦教餘人。」

爾時**佛告華戲慧菩薩**：「善男子！汝今諦聽，善思念之，當為汝說。」

「唯然。世尊！」

佛告華戲慧菩薩：「若菩薩聞貪欲音聲生過罪想，聞離貪欲音聲生利益想，即是不學佛法。若聞瞋恚音聲生過罪想，聞離瞋恚音聲生利益想；若聞愚癡音聲生過罪想，於離愚癡音聲生利益想，則是不學佛法。若於少欲音聲生喜想，於多欲音聲生礙想，即是不行音聲法門。於知足音聲生喜想，於不知足音聲生礙想，則是不行音聲法門。若於細行音聲生喜想，於麤行音聲生礙想，則是不行音聲法門。若於樂靜音聲則喜，於憤鬧音聲則礙，則是不學佛法。若於忍辱音聲生利想，於瞋恚音聲生礙想，則是不學佛法。若於精進音聲生利想，於懈怠音聲生礙想，則是不學佛法。於禪定音聲生利想，於散亂音聲生礙想，則是不學佛法。於智慧音聲生利想，於愚癡音聲生礙想，則是不學佛法。若於近道音聲則喜，於遠道音聲則礙，則是不學音聲法門。於生死見過咎，於涅槃見利益，則是不入音聲法門。於彼岸則喜，於此岸則礙，則是不學音聲法門。於聚落音聲生礙想，於空閑音聲生喜想，則是不學音聲法門。若於獨行音聲生喜想，於眾行音聲生礙想，則是不學音聲法門。於比丘所行音聲生喜想，於白衣所行音聲生礙想，則是不學音聲法門。於有威儀則喜，於無威儀則礙，則是不學佛法。於清淨行則喜，於不清淨行則礙，則是不學佛法。於一行則喜，於雜行則礙，則是不學佛法。於離欲行則喜，於婬慾行則礙，則是不學佛法。於離瞋想則喜，於瞋想則礙，則是不學佛法。於離癡想則喜，於癡想則礙，則是不學佛法。於空則喜，於有則礙，則是不學佛法。於無相則喜，於有相則礙，則是不學佛法。於無作則喜，於有作則礙，則是不學佛法。於菩薩行則喜，於聲聞辟支佛行則礙，則是不學佛法。若說菩薩過咎，則遠阿耨多羅三藐三菩提，亦受業障罪。若說菩薩威儀過罪，則遠阿耨多羅三藐三菩提，若菩薩於他菩薩生下想，於己生勝想則為自傷，亦受業障罪。若菩薩欲教餘菩薩，當生佛想然後教之。菩薩若欲不捨阿耨多羅三藐三菩提，不應生心輕恚餘菩薩。善男子！無有滅失功德，如輕恚餘菩薩者，是故菩薩多欲守護功德善根，亦於一切法中得無障礙慧，當晝夜各三時禮一切求佛道菩薩。」

爾時文殊師利法王子白佛言：「世尊！如我知佛所說義，貪欲音聲佛音聲等無有異，瞋恚音聲佛音聲等、愚癡音聲佛音聲等、外道音聲佛音聲等、少欲音聲多欲音聲等、知足音聲不知足音聲等、細音聲麤音聲等、樂獨音聲樂眾音聲等、此岸音聲彼岸音聲等、遠音聲近音聲等、生死音聲涅槃音聲等、聚落音聲空閑音聲等、布施音聲慳音聲等、持戒音聲毀戒音聲等、忍辱音聲瞋恚音聲等、精進音聲懈怠音聲等、禪定音聲亂意音聲等、智慧音聲愚癡音聲等。」

爾時華戲慧菩薩問文殊師利法王子：「以何因緣故皆等？」

文殊師利言：「天子！於意云何？貪欲音聲何者為是？」

天子言：「貪欲聲空如響。」

文殊師利言：「汝知佛音聲亦復云何？」

天子言：「不出於空，亦如響法。」

文殊師利言：「以是因緣故，我說二聲皆是平等。」

文殊自說宿緣：喜根與勝意比丘事。所說頌與佛為師子遊步說法意同。

※參見《諸法無行經》卷2 (CBETA, T15, no. 650, p. 759, a23-p. 761, a7)：

「爾時有菩薩比丘名曰喜根，時為法師，質直端正，不壞威儀不捨世法。爾時眾生普皆利根樂聞深論。其喜根法師於眾人前，不稱讚少欲知足細行獨處，但教眾人諸法實相，所謂一切法性即貪欲之性，貪欲性即是諸法性，瞋恚性即是諸法性，愚癡性即是諸法性。其喜根法師以是方便教化眾生，眾生所行皆是一相各不相是非，所行之道心無瞋癡，以無瞋癡因緣故疾得法忍，於佛法中決定不壞。

「世尊！爾時復有比丘法師行菩薩道，名曰勝意。其勝意比丘護持禁戒，得四禪、四無色定，行十二頭陀。世尊！是勝意比丘有諸弟子，其心輕動樂見他過。世尊！後於一時，勝意菩薩入聚落乞食，誤到喜根弟子家，見舍主居士子，即到其所敷座而坐，為居士子稱讚少欲知足細行，說無利語過，讚歎遠眾樂獨行者，又於居士子前說喜根法師過失：『是比丘不實，以邪見道教化眾生，是雜行者，說婬欲無障礙、瞋恚無障礙、愚癡無障礙，一切諸法皆無障礙。』是居士子利根得無生法忍，即語勝意比丘大德：『汝知貪欲為何法？』勝意言：『居士！我知貪欲是煩惱。』居士子言：『大德！是煩惱為在內、在外耶？』勝意言：『不在內不在外。』『大德！若貪欲不在內不在外，不在東西南北四維上下十方者，即是無生；若無生者，云何言若垢若淨？』

「爾時勝意比丘瞋恚不喜，從座起去作如是言：『是喜根比丘以妄語法多惑眾人。』是人以不學入音聲法門故，聞佛音聲則喜，聞外道音聲則瞋；於梵行音聲則喜，於非梵行音聲則瞋。以不學入音聲法門故，於淨音聲則喜，於垢音聲則瞋。以不學入音聲法門故，於聖道音聲則喜，於凡夫音聲則瞋。以不學入音聲法門故，於樂音聲則喜，於苦音聲則瞋。以不學入音聲法門故，於出家音聲則喜，於在家音聲則瞋。以不學入音聲法門故，於出世間音聲則喜，於世間音聲則瞋。以不學入音聲法門故，於布施則生利想，於慳則生礙想。以不學佛法故。於持戒則生利想，於毀戒則生礙想。以不學佛法故。是時勝意比丘，出其舍已還到所止，眾僧中見喜根菩薩，語眾人言：『是比丘多以虛妄邪見教化眾生，所謂婬欲非障礙、瞋恚非障礙、愚癡非障礙，一切法非障礙。』

「爾時喜根菩薩作是念：『是比丘今者必當起於障礙罪業，我今當為說如是深法，乃至令作修助菩提道法因緣。』爾時喜根菩薩於眾僧前，說是諸偈：

「『貪欲是涅槃，恚癡亦如是，如此三事中，有無量佛道。

若有人分別，貪欲瞋恚癡，是人去佛遠，譬如天與地。

.....

現在十方佛，利益諸世間，知法如虛空，皆以得菩提。

若有無智者，樂於分別法，聞是實法者，則生疑怖畏，

是人無量劫，備受諸苦分。」

※參見《佛說諸法本無經》卷3 (CBETA, T15, no. 651, p. 771, c15-p. 773, b10)。

※參見《諸法無行經》卷1 (CBETA, T15, no. 650, p. 751, a14-p. 752, b5)：

爾時佛告師子遊步菩薩摩訶薩言：「善男子！汝今諦聽，善思念之，吾當為汝解說此義。」

「唯然。世尊！我當受之。」

爾時世尊以偈答曰：

「若人欲成佛，勿壞於貪欲，諸法即貪欲，知是則成佛。

貪欲及恚癡，無有能得者，是法皆如空，知是則成佛。

.....

無量億諸佛，皆亦與是人，諸經妙法寶，自然皆能說。」

A.前二經義同，2.乃後代改寫。序起引用楞嚴經及圓覺經，如「奢摩他，三摩鉢底，禪那」（上·七七四中～下）

※參見《佛說大乘隨轉宣說諸法經》卷1 (CBETA, T15, no. 652, p. 774, b29-c14)：

爾時，佛告師子遊戲菩薩摩訶薩言：「善哉！善哉。善男子！世間一切眾生妙明元心，本來清淨無諸垢染，圓滿十方湛然寂靜，猶如虛空本無塵翳，寂然清淨。眾生眼病，空華發生，華生華滅，病眼所見；眼翳既消，空華亦滅，清淨虛空本來不動。妙明元心亦復如是，本來清淨無諸垢染。眾生顛倒，背覺合塵；於諸塵境分別心生，眼見於色、耳聞於聲、鼻嗅諸香、舌嘗於味、身受諸觸、意了法塵；此六根識各各自偶諸塵境界，於諸塵境妄想執著，便生愛染造種種業；業成受報墮諸苦海，生死輪迴受大苦惱，如旋火輪無有休息。如來大慈憐愍一切，設諸方便說奢摩他三摩鉢提禪那止觀法門，令彼攝心漸漸熏修，證於佛果，免斯惡道。」

B.「自謂是菩薩」：讀誦，為人說，恃種性，求他人過，著威儀，文頌，說空而好諍訟，不了眾生性，我慈悲成佛度生，鬥諍，貪著五欲，求生極樂國，以檀越為自己所化。——自稱菩薩而分別，瞋他，不符實際。（上·七五一中～下）

※參見《諸法無行經》卷1 (CBETA, T15, no. 650, p. 751, a16-p. 752, b5)：

爾時世尊以偈答曰：

「若人欲成佛，勿壞於貪欲，諸法即貪欲，知是則成佛。

貪欲及恚癡，無有能得者，是法皆如空，知是則成佛。

.....

凡夫著名字，不知語言性，名字非名字，知是得無生。

自謂是菩薩，讀誦為人說，己身無所行，但依恃種性，

但讀經求道，常見他人過，著威儀文頌，見人敬自貴，

恃種性文頌，不知法實相，如是之人等，終不能得佛。

為說諸法空，惡心好諍訟，是人無佛法，亦無有菩提。

知瞋忍同相，達是終不瞋，不了眾生性，是則生瞋恚。

自言菩薩者，復作如是說，我慈悲一切，成佛度眾生。

他惱生瞋恚，懷忿不與語，常求他人過，樂於鬭諍訟，

亦稱歎忍辱，及說諸法空，我心多憍慢，常觀他人過，

貪著於美味，晝夜念五欲，是人入城邑，自說度人者，

悲念於眾生，常為求饒益，口雖如是說，而心好惱他。

我未曾見聞，慈悲而行惱，互共相瞋惱，願生阿彌陀。

.....

各自美毀他，樂擅越知識，言我所教化，護使令如法，

汝應我所度，莫親近餘人，彼人行不純，常處於憤鬧，

是人於佛道，不能勤修行。

.....

無量億諸佛，皆亦與是人，諸經妙法寶，自然皆能說。」

自以為阿羅漢：持戒，得定，誦毘尼，樂苦行，貴頭陀法，反對入聚落。(上·七五二下～七五三上)

※參見《諸法無行經》卷1 (CBETA, T15, no. 650, p. 752, c14-p. 753, a10)：

「善男子！爾時彼佛會中弟子眾數無量無邊，彼金焰國中皆以七寶為樹，於其寶樹常出法音，所謂一切諸法空音、無相音、無作音、無生音、無所有音、無取相音。其國人民聞是法音，自然皆得諸法實相心得解脫。其佛滅後法住千歲，諸寶樹音亦不復

出。善男子！是高須彌山王佛，以法囑累淨威儀菩薩令守護法，囑累已後便入無餘涅槃。時有比丘名有威儀，持戒不淨，得四禪四無色定及五神通，善誦毘尼藏，樂於苦行，不能善知他心。其弟子眾亦皆苦行貴頭陀法。是淨威儀法師，持戒清淨，於無所有法中得巧方便。復於一時，淨威儀法師將諸弟子，到有威儀比丘住處與共同止，淨威儀法師憐愍眾生故，從所住處常入聚落食訖而還，教化百千萬家皆作弟子，令發阿耨多羅三藐三菩提心。其弟子眾亦善教化，到諸聚落而為說法，令若干百千眾生皆發阿耨多羅三藐三菩提心。有威儀比丘常樂住塔寺，其弟子眾不持淨戒而樂行頭陀。有威儀比丘勤行精進其心決定，自以所行化諸弟子，貪著善法有所見得，所謂說一切有為法皆無常皆苦、一切法無我，不能善行諸禪定法，亦不能善於菩薩所行之道，本心不純故。淨威儀法師善知眾生諸根利鈍，知有威儀比丘心故，不復常入聚落，其諸弟子如本不異。」

分別故出家，持戒，分別善不善法，知斷修證，作厭離捨，「我身已得阿羅漢」(上·七五三下～七五四上)

※參見《諸法無行經》卷 1 (CBETA, T15, no. 650, p. 753, c16-p. 754, a3)：

爾時便作是念：『見諸行如是，是名見苦；惡厭諸行，是名斷集。』分別諸行，見於滅諦即作是念：『我今見滅是名證滅，我當修道。』便至靜處念如是法，作是念已攝心定住。是人先得厭心，今得定心，故於諸行中心便捨離，而自愧厭不喜不樂，復作是念：『我今於一切法中已得解脫，更無所作，我身已得阿羅漢道。』是人命終之時見受生處，即菩提心生疑悔，以此疑故命終之後墮大地獄。何以故？是人於無生法中而分別故。」

「當來世有比丘如是說」(同阿含)(上·七五四上～中)

※參見《諸法無行經》卷 1 (CBETA, T15, no. 650, p. 754, a28-b11)：

文殊師利復白佛言：「世尊！行者云何應觀四念處？」

佛告文殊師利：「當來世有比丘如是說：『觀內身處若觀不淨是身念處，觀樂皆苦是受念處，觀心生滅性是心念處，觀壞和合相但得法相是法念處。』」

文殊師利白佛言：「世尊！今云何真觀四念處？」

佛言：「止止。文殊師利！不須問也，如來隨宜說法難可得解。」

文殊師利言：「世尊！愍念眾生故，願必為說。」

佛告文殊師利：「若行者見身如虛空，是為身念處；若行者見受不得內外兩間，是為受念處；若行者知心唯有名字，是為心念處；若行者不得善法不得不善法，是為法念處。文殊師利！應如是觀四念處。」

C.崇尚一相法門，不分別，隨緣獨行或入聚落。其精神與「觀察諸法行經」相反，

乃重智証而不重形式者。

《觀察諸法行經》卷 1 闍那崛多譯 (CBETA, T15, no. 649, p. 727, b8-11)。

《佛說諸法本無經》卷 1 闍那崛多譯 (CBETA, T15, no. 651, p. 761, b26-28)。

D.有威儀樂住塔寺，淨威儀常入聚落（上·七五三上） 準 1.塔寺乃阿蘭若（上·七六四下） 比丘法師。

※參見《諸法無行經》卷 1 (CBETA, T15, no. 650, p. 752, c14-p. 753, a10)：

「善男子！爾時彼佛會中弟子眾數無量無邊，彼金焰國中皆以七寶為樹，於其寶樹常出法音，所謂一切諸法空音、無相音、無作音、無生音、無所有音、無取相音。其國人民聞是法音，自然皆得諸法實相心得解脫。其佛滅後法住千歲，諸寶樹音亦不復出。善男子！是高須彌山王佛，以法囑累淨威儀菩薩令守護法，囑累已後便入無餘涅槃。時有比丘名有威儀，持戒不淨，得四禪四無色定及五神通，善誦毘尼藏，樂於苦行，不能善知他心。其弟子眾亦皆苦行貴頭陀法。是淨威儀法師，持戒清淨，於無所有法中得巧方便。復於一時，淨威儀法師將諸弟子，到有威儀比丘住處與共同止，淨威儀法師憐愍眾生故，從所住處常入聚落食訖而還，教化百千萬家皆作弟子，令發阿耨多羅三藐三菩提心。其弟子眾亦善教化，到諸聚落而為說法，令若干百千眾生皆發阿耨多羅三藐三菩提心。有威儀比丘常樂住塔寺，其弟子眾不持淨戒而樂行頭陀。有威儀比丘勤行精進其心決定，自以所行化諸弟子，貪著善法有所見得，所謂說一切有為法皆無常皆苦、一切法無我，不能善行諸禪定法，亦不能善於菩薩所行之道，本心不純故。淨威儀法師善知眾生諸根利鈍，知有威儀比丘心故，不復常入聚落，其諸弟子如本不異。」

※參見《佛說諸法本無經》卷 1 (CBETA, T15, no. 651, p. 764, b27-c5)：

「若善行意所有徒眾，喜樂修定不數入村。爾時善行意比丘，於淨善行說法者及徒眾邊，不淨心生而言：『此是癡墮比丘，常數入村。』即鳴犍遲集比丘眾，自作制住：『汝等一莫入村。』向淨善行所有徒眾，作如是言：『汝等不善知行、不少言語，何因汝等數數入村？諸佛世尊讚歎許可住阿蘭若，汝等莫到他家，汝等應住思惟定樂。』

C.「不應在新學菩薩前說，……不知如來以何方便隨宜所說」（上·七五〇下） 此是密意說也。

※《諸法無行經》卷 1 (CBETA, T15, no. 650, p. 750, c8-16)：

爾時世尊讚師子遊步菩薩摩訶薩言：「善哉，善哉！善男子！汝所問者甚為希有，一切世間之所難信。善男子！止止勿問。所以者何？新發意菩薩，於此空見、無相見、無作見、無生見、無所有見、無取相見、佛見、菩提見，所不能及。善男子！如此法者不應在新學菩薩前說。何以故？若聞是法，或斷善業，於佛道中則行邪道；若墮斷滅、若墮計常，不知如來以何方便隨宜所說？」

D.「我未曾見聞，慈悲而行惱，互共相瞋恚，願生阿彌陀！……佛土非佛土，知是虛空，……能生諸佛國」(上·七五一下)

※參見《諸法無行經》卷1 (CBETA, T15, no. 650, p. 751, c15-22)：

「我未曾見聞，慈悲而行惱，互共相瞋惱，願生阿彌陀。

若人如恒沙，惡口加刀杖，如是皆能忍，則生清淨土。

佛土非佛土，知如虛空相，不分別國土，及國土功德，

如是之人等，能生諸佛國。」

E.「若見著五欲，亦不說過惡，應當念彼人，久後亦得佛。次第行業道，不可頓成佛。」(上·七五二上)

※參見《諸法無行經》卷1 (CBETA, T15, no. 650, p. 752, a3-10)：

「若見著五欲，不說其過惡，應當念彼人，久後亦得道，

次第行業道，不可頓成佛，或非久發心，是以行此事。

勿分別貪欲，貪欲性是道，煩惱先自無，未來亦無有，

能如是信解，便得無生忍。」

F.三乘共益。

G.「聞如是之法，是人名為善出家者」(上·七五五上)

※參見《諸法無行經》卷1 (CBETA, T15, no. 650, p. 755, a1-5)：

說是法時，三萬二千諸天得諸法實相，各以天曼陀羅華而散佛上，白言：「世尊！若人得聞如是之法，是人名為善出家者，何況信受讀誦如所說行？世尊！若有須臾聞是法者，是則名為無增上慢。」

聚落，空閑(下·七五八中)

※參見《諸法無行經》卷2 (CBETA, T15, no. 650, p. 758, a23-c10)：

佛告華戲慧菩薩：「若菩薩聞貪欲音聲生過罪想，聞離貪欲音聲生利益想，即是不學佛法。若聞瞋恚音聲生過罪想，聞離瞋恚音聲生利益想；若聞愚癡音聲生過罪想，於離愚癡音聲生利益想，則是不學佛法。若於少欲音聲生喜想，於多欲音聲生礙想，即是不行音聲法門。於知足音聲生喜想，於不知足音聲生礙想，則是不行音聲法門。若於細行音聲生喜想，於麤行音聲生礙想，則是不行音聲法門。若於樂靜音聲則喜，於憤鬧音聲則礙，則是不學佛法。若於忍辱音聲生利想，於瞋恚音聲生礙想，則是不學佛法。若於精進音聲生利想，於懈怠音聲生礙想，則是不學佛法。於禪定音聲生利想，

於散亂音聲生礙想，則是不學佛法。於智慧音聲生利想，於愚癡音聲生礙想，則是不學佛法。若於近道音聲則喜，於遠道音聲則礙，則是不學音聲法門。於生死見過咎，於涅槃見利益，則是不入音聲法門。於彼岸則喜，於此岸則礙，則是不學音聲法門。於聚落音聲生礙想，於空閑音聲生喜想，則是不學音聲法門。若於獨行音聲生喜想，於眾行音聲生礙想，則是不學音聲法門。於比丘所行音聲生喜想，於白衣所行音聲生礙想，則是不學音聲法門。於有威儀則喜，於無威儀則礙，則是不學佛法。於清淨行則喜，於不清淨行則礙，則是不學佛法。於一行則喜，於雜行則礙，則是不學佛法。於離欲行則喜，於婬慾行則礙，則是不學佛法。於離瞋想則喜，於瞋想則礙，則是不學佛法。於離癡想則喜，於癡想則礙，則是不學佛法。於空則喜，於有則礙，則是不學佛法。於無相則喜，於有相則礙，則是不學佛法。於無作則喜，於有作則礙，則是不學佛法。於菩薩行則喜，於聲聞辟支佛行則礙，則是不學佛法。若說菩薩過咎，則遠阿耨多羅三藐三菩提，亦受業障罪。若說菩薩威儀過罪，則遠阿耨多羅三藐三菩提，若菩薩於他菩薩生下想，於己生勝想則為自傷，亦受業障罪。若菩薩欲教餘菩薩，當生佛想然後教之。菩薩若欲不捨阿耨多羅三藐三菩提，不應生心輕恚餘菩薩。善男子！無有滅失功德，如輕恚餘菩薩者，是故菩薩多欲守護功德善根，亦於一切法中得無障礙慧，當晝夜各三時禮一切求佛道菩薩。」

白衣受欲能解，勝頭陀著有見（下·七六一上）

※參見《諸法無行經》卷2（CBETA, T15, no. 650, p. 761, a1-7）：

「雖白衣受欲，聞是法不畏，勝於頭陀者，住在有見中。

現在十方佛，利益諸世間，知法如虛空，皆以得菩提。

若有無智者，樂於分別法，聞是實法者，則生疑怖畏，

是人無量劫，備受諸苦分。」